



----- **ATUR PENGAKSAMA** -----

----- **Om Swastyastu Awighnamastu Nama Shidam** -----

Majalaran Antuk Puspa Panganjali Ring Ida Sanghayang Parama Kawi, Antuk Asung Kertha Wara Nugraha Ida, Titiang Minakadi Prajuru Desa Adat Pengeragoan Dangin Tukad, Desa Pengeragoan, Kecamatan Pekutatan, Kabupaten Jembrana, Prasida Muputan Separiindik Kawentenan Ring Desa Adat Tur Prasida Ngilikitayang Indik Separitingkahe Keunggahang Ring Swalikita Puniki. Duwaning Asapunika Titiang Nenten Lali Ngaturang Perama Suksema Ring Para Janane, Nayake Panuntun Jagat Jembrana Lan Kecamatan, Antuk Prasida Ledang Nyarengin Midabdabin Sajeroning Muputang Awig-Awig Puniki Diastun Kantun Akueh Mungguing Kekirangan Nyane :-----

Mejalaran Saking Awig-Awig Puniki Titiang Naler Nenten Lali Nunas Geng Rena Sinampura Mantuk Ring Sang Meraga Oneng, Ping Kalih Ida Dane Sinamian Antuk Katunayang Daging Awig-Awig Puniki Rehning Tambete Dahat Ngalintangin. Tiyos Ring Punika Titiang Taler Maka Pamekas Prajuru Desa Adat Pengeragoan Dangin Tukad, Banget Nunas Paswecan Ida Dane Para Jana Sinamian Mungguing Piteket-Piteket Sane Dahat Mautama, Gumanti Anggen Titiang Gaguwat Rikalaning Memargi Tur Buatang Titiang Wantah Sane Marupa Pangewuwuh Daging Awig-Awig Puniki Mangdane Prasida Kabawos Jangkep :-----

Inggih Asapunika Daging Pengaksaman Titiang Dumadak Napi Sane Prasida Tuptupang Titiang Ring Sajeroning Cakepan Puniki Wenten Pikenoh Nyane :-----

----- Puput -----

----- **Om Santih Santih Santih Om** -----

**Pengeragoan, 5 September 2021**  
**Bandesa Adat Pengeragoan Dangin Tukad**

I Made Sugiarta





----- **MURDHA CITTA** -----

----- Aum, Om -----

Om Swastyastu, Om Awighenamastu Nama Sidham Putusan Paseban Utawi Paruman Krama Desa Adat Pengeragoan Daging Tukad, Gumawe Awig-Awig Desa Adat Pinaka Sepat Siku-Siku Pematut, Wastu Sida Prayojana Mami Kabeh, Prasama Angidepaken Muwang Amagehaken Kadi Linging Awig-Awig Iki :-----

----- **SARGA I** -----

----- **ARAN LAN WEWIDANGAN DESA ADAT** -----

----- **Pawos 1** -----

- 1.1. Desa Adat Puniki Mewasta Desa Adat Pengeragoan Daging Tukad, Desa Pengeragoan, Kecamatan Pekutatan, Kabupaten Jembrana :-----
- 2.1. Manut Jimbar Wewidangannya Nyatur Inggih Punika :-----
  - 2.1.a. Sisi Kangin Mewates Antuk Tukad Yeh Leh :-----
  - 2.1.b. Sisi Kelod Mewates Antuk Segara :-----
  - 2.1.c. Sisi Kauh Mewates Antuk Tukad Pengeragoan :-----
  - 2.1.d. Sisi Kaler Mewates Antuk Wana Utawi Alas Tutupan :-----
- 3.1. Desa Adat Puniki Kewangun Antuk Pupulan Karang Paumahan, Turmaning Keepah Dados 5 Tempek Bebanjaran, Suang-Suang Sinanggeh Tempek Luire :-----
  - 3.1.a. Tempek Dauh Pempatan (I) :-----
  - 3.1.b. Tempek Daging Pempatan (II) :-----
  - 3.1.c. Tempek Daging Pangkung (III) :-----
  - 3.1.d. Tempek Anyar (IV) :-----
  - 3.1.e. Tempek Sari (V) :-----

----- **SARGA II** -----

----- **PATITIS LAN PAMIKUKUH** -----

----- **Pawos 2** -----

- 1.2 Pancasila :-----
- 2.2 Undang-Undang Dasar 1945 Pamekas Pasal 18 :-----
- 3.2 Tri Hita Karana Manut Tate Cara Agama Hindu Dharma :-----

----- **Pawos 3** -----

Luir Patitis Desa Adat Pengeragoan Daging Tukad :-----

- 1.3 Mikukuhang Miwah Ngajegang Agama Hindu :-----
- 2.3 Nginggilang Tata Prawertine Meagama :-----
- 3.3 Ngajegang Kasukerthan Desa Sahe Pawongannya Sekala Niskala :-----

----- **SARGA III** -----

----- **SUKERTHA TATA PARAHYANGAN** -----

----- **Palet I** -----

----- **Indik Dewa Yadnya** -----





----- **Pawos 4** -----

- 1.4. Pelinggih Panyiwian Genah Ngarcana Ida Sang Hyang Widhi Wasa Ring Wewidangan Desa Adat Pengeragoan Dangin Tukad Luire :-----
  - 1.4.a. Kahyangan Tiga Desa Mekadi Pura Puseh, Pura Desa, Bale Agung, Pura Dalem Lan Prajapati :-----
  - 1.4.b. Pelinggih Padma Bale Adat :-----
  - 1.4.c. Pelinggih Padma Ring Perempatan Agung :-----
  - 1.4.d. Pelinggih Padma Ring Rest Area Yeh Leh :-----
  - 1.4.e. Pelinggih Padma Ring Pelaba Pura Kawitan Manik Segara :-----
  - 1.4.f. Pura Kawitan Manik Segara :-----
- 2.4. Rahina Piodalan Suang-Suang Kahyangan Inucap Kapastikayang Sekadi Ring Sor Inggih Punika :-----
  - 2.4.a. Pura Puseh Lan Desa/Bale Agung; Rikalaning Purnama Kapat, Pura Dalem Lan Prajapati Rikalaning Anggara Kliwon Wuku Dukat :-----
  - 2.4.b. Pelinggih Padma Bale Adat, Rikalaning Purnana Kawulu :-----
  - 2.4.c. Pelinggih Padma Ring Perempatan Agung, Rikalaning Purnama Kedasa :-----
  - 2.4.d. Pelinggih Padma Ring Rest Area Yeh Leh, Rikalaning Melasti Ring Sasih Kesanga :-----
  - 2.4.e. Pelinggih Padma Ring Pelaba Pura Kawitan Manik Segara, Rikalaning Buda Wage Wuku Menail :-----
  - 2.4.f. Pura Kawitan Manik Segara, Rikalaning Anggara Kasih Wuku Perangbakat :
- 3.4. Pengaci Ring Pura Inucap Manut Kecap Sastra Agama, Saha Kelaksanayang Manut Kanista Madya Utawi Mautama :-----
- 4.4. Pengempon Suang-Suang Pura Manut Dresta Sekadi Ring Sor Puniki :-----
  - 4.4.a. Pura Kahyangan Tiga Desa Adat Lan Bale Agung Kaempon Oleh Krama Desa Adat :-----
  - 4.4.b. Pelinggih Padma Bale Adat, Kaempon Oleh Krama Desa Adat :-----
  - 4.4.c. Pelinggih Padma Ring Perempatan Agung Utawi Catus Pata, Kaempon Oleh Krama Desa Adat :-----
  - 4.4.d. Pelinggih Padma Ring Rest Area Yeh Leh, Kaempon Oleh Krama Desa Adat:-----
  - 4.4.e. Pelinggih Padma Ring Pelaba Pura Kawitan Manik Segara, Kaempon Oleh Krama Desa Adat Pengeragoan Dangin Tukad Lan Dauh Tukad :-----
  - 4.4.f. Pura Kawitan Manik Segara, Kaempon Oleh Krama Desa Adat Pengeragoan Dangin Tukad Lan Dauh Tukad :-----

----- **Pawos 5** -----

- 1.5. Suang-Suang Pura Inucap Kapatutan Wenten Pemangku :-----
- 2.5. Ngadegang Pemangku Keanutan Manut Dudonan :-----





- 2.5.a. Mawiwit Saking Turunan Utawi Pewaris :-----
- 2.5.b. Nyanjan, Suang-Suang Mapiteges Mapinunas Ring Ajeng Bhatara Ring Penataran Pura Inucap, Sane Kaenterang Olih Prajuru Desa Adat, Menawi Ring Balian Sonteng Lsp :-----
- 2.5.c. Kecatri Olih Krama Desa Adat :-----
- 3.5. Nyudi Utawi Ngadegang Pemangku Nenten Keputusan :-----
- 3.5.a. Ceda Angga :-----
- 3.5.b. Sungkan Ila, Ayan Lan Sepenunggilan Ipun :-----
- 3.5.c. Sane Madrebe Kahuripan Tan Becik :-----
- 4.5. Prabeya Ngadegang Pemangku :-----
- 4.5.a. Adhiksa Widhi Utawi Pewintenan Ring Pura Inucap Saha Kelaksanayang Olih Prajuru Lan Krama Desa Adat Miwah Tri Upasaksi :-----
- 4.5.b. Mapitra Yadnya Riwekas Prade Sinalih Tunggil Pemangku Lanang Utawi Istri Seda, Senistan Ipun Brahma Prayascita Manut Pararem :-----
- 5.5. Pemangku Keputusan Ngemanggehang Swadharmaning Pemangku :-----

----- **Pawos 6** -----

- Swadharmaning Pemangku Luire : -----
- 1.6. Ngenterang Upakara Upacara Piodalan Ring Kahyangan, Utawi Ring Suang-Suang Pakubon Krama Desa Adat :-----
  - 2.6. Tan Keputusan Salah Suluh, Yening Mamurug Wenang Pemangku Inucap Nyepuh Raga :-----
  - 3.6. Yening Wenten Senalih Tunggil Pemangku Kahyangan Tiga Desa Kapiambeng Utawi Cuntaka, Kegentos Olih Pemangku Kahyangan Tiga Sane Kecatri Olih Bandesa Adat Utawi Nuur Sulinggih :-----
  - 4.6. Semalihe Yening Sampun Pemangku Ngaturang Ayah Ring Pura Mewaneng Tiga Rahina Kancit Wenten Kulawangan Nyane Seda Utawi Padem, Mangku Inucap Tan Keputusan Budal Kajeroan Nyane, Mewastu Tan Keneng Cuntaka, Gumanti Piodalan Kelaksanayang :-----

----- **Pawos 7** -----

- Petuas Utawi Olih-Olihan Pemangku Luire :-----
- 1.7. Penyolasan Lan Sarin Canang Krama Desa Adat, Punika Epah Papat Gebog Sarin Canang Krama Desa Adat :-----
  - 2.7. Sesari Ring Surya Utawi Pelinggih Surya Wenang Katur Ring Pemangku :-----
  - 3.7. Luput Saking Ayahan Reramon Lan Peson-Peson (Mangku Gede) :-----

----- **Pawos 8** -----

- 1.8. Pemangku Kagentosin Menawi :-----
- 1.8.a. Seda Utawi Padem :-----
- 1.8.b. Pinunas Ngerage, Menawi Sungkan Sungkanan Lsp :-----





- 1.8.c. Kawusanang Olih Krama Desa Adat Sangkaning Melaksana Sane Ten Patut Utawi *Asta Dusta* :-----  
2.8. Prade Pemangku Kawusan Sangkaning Melaksana ***Asta Dusta*** Keni Pamidande Manut Pararem :-----

----- **Pawos 9** -----

- Kasukerthan Lan Tata Trepti Kahyangan Sekadi Ring Sor :-----  
1.9. Sane Ten Kalugra Ngeranjing Ke Pura Luire :-----  
1..9.a. Sang Ketiben Cuntaka, Sekadi Sebel Saking Ngeraga :-----  
1.9.a.i. Sebel Kandel, Ngeraja Suwala, Selami Dereng Mebersih :-----  
1.9.a.ii. Sebel Medue Putra, Sejeroning 42 Hari, Keruron :-----  
1.9.a.iii. Sebel Pengantenan, Sedereng Mabiakala :-----  
1.9.a.iv. Cuntaka Sangkaning Kapademan Manut Sengker :-----  
1..9.b. Sang Panten Miwah Anak Babinjat Sadereng Maupakara :-----  
1..9.c. Makta Sahananing Sane Kasinanggeh Ngaletihin :-----  
1..9.d. Wawalungan Suku Pat, Sajawaning Ritatkala Mapapada :-----  
1..9.e. Mabusana Sane Tan Manut Kadi Tata Caraning Ngeranjing Ke Pura :-----  
1..9.f. Anak Alit Sadereng Meyusa Tigang Sasih :-----  
1..9.g. Sedereng Polih Wakwakan Utawi Pituduh Prajuru Desa Adat :-----  
2.9. Busana Ngranjing Ke Pura Wenang Nganutin Dresta Minakadi :-----  
2.9.a. Ritatkala Ngaturan Ayah, Mewastra Lan Nyelempod Utawi Adat Madya :---  
2.9.b. Ritatkala Ngaturan Sembah, Mebusana Jangkep :-----  
2.9.c. Siosan Kadi Ring Ajeng Nenten Kalugra, Sajawaning Sampun Pituduh Prajuru Desa Adat :-----  
3.9. Pratingkahe Tan Kepatan Ring Pura Luire :-----  
3.9.a. Mabawos Sane Kasinanggeh Wak Parusya, Wak Capala :-----  
3.9.b. Makoratan Utawi Mabacin, Mawarih Lan Masanggama :-----  
3.9.c. Masumpah Utawi Macoran, Sajawaning Pituduh Prajuru Desa Adat :-----  
3.9.d. Ngias Raga Sajawaning Pandita Miwah Pinandita :-----  
3.9.e. Munggah Tedun Palinggih Sajawaning Pituduh Prajuru Desa Adat :-----  
4.9. Sang Mamurug Kadi Kecaping Ring Ajeng, Keni Pamidanda Pemerayascita Sepatut Nyane Manut Pararem :-----

----- **Pawos 10** -----

- 1.10. Yening Wenten Jatma Kerawuhan Utawi Keseliran Ring Pura, Kepatan Kapintonin, Pada Rumasa Kesumbangsayan, Duwaning Yening Tan Wiyakti, Sisip Jatma Punika Saha Kedanda Manut Pararem :-----  
2.10. Prade Kahyangan Desa Kadurmanggalan, Minakadi Ke Panca Baya, Pemangku Patut Digelis Nyadokan Ring Prajuru Desa Adat, Mangda Maruman Sabha Desa





Lan Prajuru Desa Adat Saha Ngawentenang Pemerayascita Antuk Bebanten  
Sepatut Ipun :-----

----- **Palet II** -----

----- **INDIK RESI YADNYA** -----

----- **Pawos 11** -----

- 1.11. Sang Pacang Madeg Pandita Utawi Pinandita, Minakadi Ipun Balian Sonteng, Dalang, Saluiring Jagi Pacang Ngenterang Yadnya Keputusan Mesadok Ring Prajuru Desa Adat Miwah Parisada Hindu Dharma :-----
- 2.11. Prajuru Desa Adat Pengeragoan Daging Tukad Kepatutang Ngewastaning Tur Ngelengin Prade Wenten Kecihnan Manut Kecap Miwah Dresta, Tur Sareng Nyaksinin Upacara Saha Nyiarang Ring Paruman Desa Adat Tegep Rawuhin Waneng Ngenterang Yadnya :-----
- 3.11. Krama Desa Adat Keputusan Ngaturang Ayah Rikala Pemadeg Miwah Ring Pangelepas Sang Sulinggih Riwekas Katuntun Antuk Prajuru Desa Adat :-----

----- **Pawos 12** -----

- 1.12. Sang Sulinggih Kepatutang Ngutamayang Mikayunin Ring Wewidangan Desa Adat Disampune Wawu Muputang Keti Yos Wewidangan Desa Adat :-----
- 2.12. Krama Desa Adat, Sabha Desa Lan Prajuru Desa Adat Keputusan Sareng Nitenin, Mangda Sahaning Yadnya Sane Kawentenan Kaicen Pamuput Olih Sang Sadaka Utawi Pinandita Manut Kewenangan Nyane Suang-Suang :-----

----- **Palet III** -----

----- **INDIK PITRA YADNYA** -----

----- **Pawos 13** -----

Pemargin Pitra Yadnya Madudonan Manut Sekadi Ring Sor Puniki :-----

- 1.13. Pengupakaran Sang Kelayu Sekaran :-----
  - 1.13.a. Antuk Mendem Utawi Ngeseng Pinaka Cihna Pakingsan Ring Pretiwi, Ring Batara Brahma, Selami Nuptupang Prabeya :-----
  - 1.13.b. Atiwa-Tiwa Utawi Upakara Pengabenan Utawi Palebon :-----
- 2.13. Upakara Upacara Pitra Yadnya Riwusan Keabenan Mewastu Mungghah Daun Bingin Utawi Ngeroras Wawu Kelaksanayang Ngelinggihang Dewa Hyang Bhatara Bhatari :-----
- 3.13. Senangken Limang Warsa, Desa Adat Pengeragoan Daging Tukad Kepatutang Ngelaksanayang Pengabenan Sinarengan :-----

----- **Pawos 14** -----

Swadharman Lan Tetagenan Prade Wenten Sinalih Tunggil Krama Desa Adat Kelayu Sekaran :-----

- 1.14. Sang Kaduhkitan Patut :-----





- 1.14.a. Mesadok Ring Prajuru Desa Adat Tur Nunas Tetimbang Ring Kawentenan Nyane :-----
- 1.14.b. Ngaturin Krama Desa Adat Ngerembo Mekarya Eteh-Eteh, Saha Kadulurin Panyembrahma Manut Kasidan Saha Ngenterang Rawuhing Ring Setra :-----
- 2.14. Swadharmaning Krama Desa Adat :-----
  - 2.14.a. Prajuru Desa Adat Kapatutang Natasang Pemargin Sang Kaduhkitan, Napike Pacang Kapendem, Makinsan Riin Utawi Ngelantur Keabenan:--
  - 2.14.b. Prade Kependem, Raris Ngawentenang Kulkul Pitau Manut Kelentungan Nyane :-----
- 3.14. Penyanggra Desa Adat Selantur Nyane :-----
  - 3.14.a. Suang-Suang Krama Desa Adat Nedunin Saha Penyanggra Antuk Beras Keh Nyane 1 Kg, Saha Arta Manut Kasidan :-----
  - 3.14.b. Sareng Ngerembo Ngaryanin Eteh-Eteh Sawa, Upakara Upacara Prayascita Kekaryanin Ring Genah Sang Kelayusekaran Kesarengin Antuk Krama Desa Adat Sane Rawuh Kaenter Olih Serati :-----
- 4.14. Sinamian Krama Desa Adat Nututin Nganter Kesetra Jantos Pemendeman Presida Puput :-----
- 5.14. Nenten Kapatutan Ngelelet Langkungan Ring Pitung Rahina, Tur Kapatutang Prajuru Desa Adat Ngetangan Krama Desa Adat Manut Pah Pahan Sane Polih Ngebag Ring Sang Kaduhkitan :-----
- 6.14. Tan Patut Nginepan Bangbang Miwah Mendem Sawa Rikalaning : Semut Sedulur, Kala Gotongan, Was Penganten, Kajeng Kliwon, Rahina Suci Manut Agama Hindu, Miwah Rikalaning Pujawali Ring Kahyangan Desa Adat :-----

----- **Pawos 15** -----

- 1.15. Sane Kasinanggeh Cuntaka Sekadi Ring Sor Puniki :-----
  - 1.15.a. Cuntaka Kelayu Sekaran :-----
  - 1.15.b. Cuntaka Ngeraja Swala :-----
  - 1.15.c. Cuntaka Ngembasan Putra :-----
  - 1.15.d. Cuntaka Keruron :-----
  - 1.15.e. Cuntaka Pawiwahan :-----
  - 1.15.f. Cuntaka Gamyamana :-----
  - 1.15.g. Cuntaka Agamyamana :-----
  - 1.15.h. Cuntaka Salah Timpal :-----
  - 1.15.i. Cuntaka Antuk Mobot Durung Kaupakara Bayakala :-----
  - 1.15.j. Cuntaka Antuk Ngelarang Sadtatayi :-----
  - 1.15.k. Cuntaka Ngembasan Putra Tan Paupakara Pabyokaonan Lan Pawidi Widanan :-----





## DESA ADAT Pengeragoan Daging Tukad

DESA Pengeragoan, KECAMATAN PEKUTATAN, KABUPATEN JEMBRANA - BALI

E-Mail : [pengeragoandagingtukad@gmail.com](mailto:pengeragoandagingtukad@gmail.com) WA. 083 115 926 611

Kode : (02)-(010)-(0171)

- 1.15.l. Sahananing Sarwa Tumuwuh Utawi Mataya Ring Setra :-----
- 2.15. Waneng Cuntaka Luire :-----
  - 2.15.a. Cuntaka Kelayu Sekaran, Cuntakania Kaanutan Ring Loka Utawi Dresta Desa Adat :-----
  - 2.15.b. Cuntaka Ngeraja Swala, Disampune Wusan Ngeraja Swala Keputusan Meprayascita :-----
  - 2.15.c. Cuntaka Ngembasan Putra, Disampune Mayusa 42 Rahina Utawi Tugtug Kambuhan :-----
  - 2.15.d. Cuntaka Antuk Keruron, Mewaneng 42 Rahina Utawi Bulan Pitung Dina Tur Sampun Meprayascita :-----
  - 2.15.e. Cuntaka Pawiwahan, Disampune Polih Meprayascita Bayakala :-----
  - 2.15.f. Cuntaka Gamyam Gamana, Disampune Prasida Kapalasang Saha Mrayascita Raga Lan Merayascita Desa Adat, Miwah Kahyangan Tiga Desa Adat :-----
  - 2.15.g. Cuntaka Agamyam Gamana, Cuntakania Disampune Mapalasang Saha Mrayascita Raga Lan Mrayascita Desa Adat Miwah Kahyangan Tiga Desa Adat :-----
  - 2.15.h. Cuntaka Salah Timpal, Cuntakania Disampune Mrayascita Raga Desa Adat Lan Kahyangan Desa Adat, Saha Caru Sanistania Manca Sato :-----
  - 2.15.i. Cuntaka Anake Istri Mobot Nenten Kawentenang Upakara Pabiokawonan, Cuntakania Ngantos Wenten Utawi Kawentenan Upakara Pabiokawonan :-----
  - 2.15.j. Cuntaka Antuk Ngelarang Sadtatayi, Cuntakania Ngantos Sampun Mrayascita Raga Tur Nenten Pisan Kapatutan Ngamungganghang Upakara Padwijatian :-----
- 3.15. Cuntaka Kelayu Sekaran :-----
  - 3.15.a. Kapendem Cuntakania :-----
    - 3.15.a.i. Cuntaka Utawi Sebel Ke Desa Adat Rawuhing Arahina, Disampune Wusan Mendem Lan Polih Tirta Prayascita Utawi Mesapuh :-----
    - 3.15.a.ii. Kulawarga Sapinda Ngantos 5 Dina, 7 Dina, 9 Dina Utawi 11 Dina, Disampune Nyapsap Nyepuh Ngelemij :-----
  - 3.15.b. Ngaben Cuntakania : Sang Nyambut Karya Pitra Yadnya Cuntakania Ngawit Saking Ngarancanayang Utawi Ngungkab Sabda Utawi Manut Kawentenan Nyane Nanginin Utawi Ngulapin Rawuh Ngantos Puput Yadnya Punika :-----
- 4.15. Tan Keneng Cuntaka, Luire :-----





4.15.a. Sang Sadhaka Utawi Sulinggih Lan Pemangku Kahyangan Tiga Desa Adat :-----

4.15.b. Rikala Piodalan Sampun Ngalang Sasih Utawi Ngalang Tengah :-----

----- **Pawos 16** -----

1.16. Atiwa-Tiwa Utawi Pengabenan Kelaksanayang Antuk :-----

1.16.a. Nyawa Rsi Utawi Nyuwarga Geni Saantukan Nenten Ngagah Utawi Menawi Sawa Nenten Kakeniang :-----

1.16.b. Sawa Prateka :-----

1.16.c. Asti Wadana :-----

2.16. Panemayan Pengabenan Wenten Kakalih Soroh Inggih Punika :-----

2.16.a. Ngaben Dadakan Utawi Bah Bangun, Kedadosang Sajeroning Desa Adat Pengeragoan Daging Tukad :-----

2.16.b. Pengabenan Ngawit Saking Ngagah, Ngeseng Ngantos Pengiriman Utawi Nganyud :-----

----- **Palet IV** -----

----- **INDIK MANUSA YADNYA** -----

----- **Pawos 17** -----

1.17. Manusa Yadnya Inggih Punika Upacara Upakara Darmaning Manusia, Ngawit Saking Petemuaning Kama Bang Lan Kama Petak Disajeroning Gharba, Ngantos Padem Utawi Seda :-----

2.17. Upacara Kadi Ring Ajeng Madudonan Sekadi Ring Sor Puniki :-----

2.17.a. Magedong-Gedongan Antuk Ngarempini Ibiang :-----

2.17.b. Duk Sang Kamareka Medal :-----

2.17.c. Kepus Udel :-----

2.17.d. Roras Rahina :-----

2.17.e. Tutug Kambuhang Utawi 42 Rahina :-----

2.17.f. Nigang Sasihin :-----

2.17.g. Pawetuan, Otonan Utawi Enem Sasih :-----

2.17.h. Tutug Kelih Utawi Ngeraja Swala Miwah Ngerajasinga Utawi Ngembakin:-----

2.17.i. Metatah Utawi Mepandes :-----

2.17.j. Mawiwaha :-----

2.17.k. Pawintenan :-----

3.17. Upacara Upakara Inucap Manut Nista, Madya Lan Utama Manut Sastra Agama Saha Keanutan Risajeroning Catur Dresta, Maka Buatana Desa Dresta, Ngawinang Samicara Desa :-----

----- **Palet V** -----

----- **INDIK BHUTA YADNYA** -----





----- **Pawos 18** -----

- 1.18. Bhuta Yadnya Inggih Punika Upacara Upakara Bhyakala Ring Pratiwi Lan Kahyangan Muwang Sarwa-Sarwa Prani Miwah Upacara Upakara Ring Bhabutan:-----
- 2.18. Upacara Upakara Pabhyakala Ring Sarwa Prani, Luire :-----
  - 2.18.a. Ring Sarwa Tumuwuh Rikala Tumpek Pengatag Utawi Saniscara Kliwon Wuku Wariga :-----
  - 2.18.b. Ring Sarwa Ingon-Ingon Rikala Tumpek Andang Utawi Saniscara Kliwon Wuku Uye :-----
  - 2.18.c. Upacara Pekala-Kalaan Manusa Manut Widhi Widana, Punika Kabawos Byakala :-----
- 3.18. Upacara Pabyakala Ring Pertiwi, Kahyangan Muah Bhabutan Punika Kewastanin Mearu :-----
- 4.18. Pecaruan Inucap Ring Ajeng Manut Kanistan, Madya Lan Utama Manut Wiguna :
  - 4.18.a. Ekasata :-----
  - 4.18.b. Panca Sata :-----
  - 4.18.c. Panca Sanak :-----
  - 4.18.d. Resi Gana :-----
  - 4.18.e. Panca Kelud :-----
  - 4.18.f. Tawur Agung :-----
- 5.18. Rikalaning Tilem Sasih Keenam, Kapatutang Nanggaluk Merana Ke Segara :-----
- 6.18. Rikalaning Tilem Sasih Kepitu, Kapatutang Krama Desa Adat Ngelaksanayang Siwa Latri Ring Kahyangan Dalem :-----
- 7.18. Sejawaning Kadi Punika Kawentenang Upacara :-----
  - 7.18.a. Mejot-Jotan Utawi Yadnya Sesa Sewusan Ngeratengan :-----
  - 7.18.b. Mesapuh-Sapuh Rikala Pacang Wali Ring Pura, Minakadi Segahan Warna Lima :-----
  - 7.18.c. Rikalaning Wenten Kabrebehan Ring Desa Adat Patut Ngewentenan Pengaci Majalaran Antuk Lontar *Rogha Sanghara Bumi* :-----

----- **Pawos 19** -----

- 1.19. Senangken Ngewarsa Rikalaning Tilem Caetra Utawi Kesanga Kewentenan Tawur Kesanga Ketah Kebawos Ngerupuk, Pinaka Cihna Nyanggra Rahina Panyepen :-----
- 2.19. Bratha Penyepian Sane Patut Kemargayang Olih Krama Desa Adat Pengeragoan Daging Tukad Inggih Punika :-----
  - 2.19.a. Amati Geni, Ring Sekala Lan Angga Sarira :-----
  - 2.19.b. Amati Karya, Nenten Kengin Nyambut Karya :-----





- 2.19.c. Amati Lelanguan, Nenten Kengin Maoneng-Onengan Utawi Masuara  
Ghora:-----
- 2.19.d. Amati Lelungaan, Nenten Kengin Lunga Utawi Jenek Ring Jero Utawi  
Mono Bratha :-----
- 3.19. Beberathan Inucap Kemargayang Saking Semeng Ngantos Wengi Rawuhing  
Endag Surya Ngembak Geni Macihna Tepakan Kukul :-----
- 4.19. Sang Mamurug Kacaping Ring Ajeng Patut Sisip Lan Kedanda Manut Pararem :---
- 5.19. Disampune Rahina Nyepi, Benjang Nyane Kacihnayang Pengawit Tahun Caka  
Utawi Icaka Warsa, Keputusan Krama Desa Adat Ngelaksanayang Dharma  
Santhi:-----

----- **Sarga IV** -----

----- **SUKERTHA TATA PAWONGAN** -----

----- **Palet I** -----

----- **Indik Krama** -----

----- **Pawos 20** -----

- 1.20. Krama Desa Adat Inggih Punika Kulawarga Sane Meagama Hindu, Sampun  
Menggah Dados Warga Desa Adat Pengeragoan Daging Tukad :-----
- 2.20. Krama Tamiu Inggih Punika Kulawarga Sane Meagama Hindu Nenten Menggah  
Ring Desa Adat Pengeragoan Daging Tukad, Sakewanten Kasurat Ring Buku  
Tamiu :-----
- 3.20. Tamiu Inggih Punika Tiyos Ring Krama Desa Adat Lan Krama Tamiu, Sane  
Wenten Ring Wewidangan Desa Adat Pengeragoan Daging Tukad Sane Jenek  
Utawi Ten Jenek Nanging Kesurat Ring Buku Tamiu Desa Adat :-----

----- **Pawos 21** -----

- Krama Desa Adat Kabinayang, Wenten Tiga Soroh Luire :-----
- 1.21. Krama Ngarep, Kulawarga Sane Wed Utawi Pengrauh Saking Desa Siosan Sahe  
Ajeg Pawiwahan Nyane :-----
- 2.21. Krama Nenten Ngarep Luire :-----
- 2.21.a. Silih Sinunggil Kulawarga Sane Tan Ngarep Ring Desa Adat, Sakewanten  
Ring Banjar Dinas Kantun Ngarep :-----
- 2.21.b. Krama Penyade Inggih Punika Krama Sane Sampun Lepas Ayah  
Kegentosin Antuk Sentanan Nyane :-----
- 2.21.c. Krama Penyade Inggih Punika Krama Sane Ngentos Ayah Krama Ngarep  
Wiadin Nenten Ngarep Tur Sane Kedadosan Sekaa Teruna Teruni Ring  
Desa Adat Pengeragoan Daging Tukad :-----
- 3.21. Krama Balu, Kulawarga Ngarep Utawi Nenten Ngarep Silih Sinunggil Lanang  
Utawi Istrine Sampun Line, Wiadin Nyapihang. Krama Balu Inucap Kebinayang  
Dados :-----





## DESA ADAT PENERAGOAN DANGIN TUKAD

DESA PENERAGOAN, KECAMATAN PEKUTATAN, KABUPATEN JEMBRANA - BALI

E-Mail : [pengeragoandangintukad@gmail.com](mailto:pengeragoandangintukad@gmail.com) WA. 083 115 926 611

Kode : (02)-(010)-(0171)

3.21.a. Balu Mekrambean Inggih Punika Balu Sane Meduwe Sentana Dereng  
Merabian :-----

3.21.b. Balu Ngelisting Inggih Punika Balu Sane Nenten Meduwe Sentana :-----

### ----- Pawos 22 -----

1.22. Ngawit Dados Mekrama Desa Adat :-----

1.22.a. Sangkaning Ngamong Karang Peumahan Lan Jenek Ring Desa Adat  
Pengeragoan Dangin Tukad :-----

1.22.b. Mawiwit Sampun Mawiwaha :-----

2.22. Panumayan Tedun Mekrama Desa Adat :-----

2.22.a. Senangken Warsa Utawi Rikala Bulan Desember Mejalaran Ilikita  
Pastika:-----

2.22.b. Mawiwit Sampun Mawiwaha Manut Waneng Sane Pastika :-----

### ----- Pawos 23 -----

Sahananing Krama Desa Adat Manut Swadharman Nyane Luire :-----

1.23. Krama Ngarep Ayah Nyumek, Mapiteges Urunan Miwah Ayahan Mamungkul :-----

2.23. Krama Balu Lanang Utawi Istri Keni Ayahan Lan Peson-Peson Atenge, Peturunan  
Jinah Mamungkul Pateh Sakadi Krama Ngarep :-----

3.23. Ayah Tapukan Utawi Numbas Ayahan, Keni Urunan Lan Papeson-Peson, Nanging  
Nenten Ngantos Ngayah :-----

4.23. Prade Rikalaning Panumaya Ngayah Utawi Ngamedalan Peson-Peson, Yening  
Wenten Sinalih Tunggil Krama Desa Adat Nenten Nedunin Manut Ring Ajeng  
Kedanda Utawi Kebakatan, Menawi Sangkaning Tan Pesadok :-----

5.23. Yening Wenten Sinalih Tunggil Krama Desa Adat Nikel Nenten Medal, Nenten  
Mesadok Rikalaning Ngayah Sane Kapastikayang Olih Prajuru Desa Adat, Patut  
Kadanda Nikel Utawi Ngalukita :-----

### ----- Pawos 24 -----

Krama Desa Adat Kadadosan Mapuangkid Utawi Ngemademang Ayahan Luire Sekadi  
Ring Sor :-----

1.24. Cuntaka, Nguwangun Karya Yadnya, Metepetin Kulawarga Sungkan,  
Melelungayang Sangkaning Nenten Prasida Matulak Arahina, Sungkan Lsp :-----

2.24. Manut Kaledangan Prajuru Desa Adat Nguwehin Puwangkid, Mangda Keanutan  
Ring Sulus Puwangkid, Nanging Nenten Maren Nitenin Sang Puwangkid Punika :-

3.24. Penyada Mepiteges Lepas Ngayah Risampun Nenten Mresidayang Mekarya :-----

4.24. Yening Wenten Sinalih Tunggil Krama Desa Adat Pengeragoan Dangin Tukad  
Sane Negung Ring Ayah-Ayah Lan Papeson-Peson, Yening Sampun Polih  
Kabawosan Olih Prajuru Desa Adat, Sabha Desa, Tri Bhaga Lan Sang Sane  
Ngayomin, Wenang Nenten Keajak Makrama Desa Adat :-----





5.24. Sinalih Tunggil Krama Desa Adat Sane Ngamong Karya Ring Dura Desa Utawi Dura Negara Kapatutang Ngaturang Penumbas Ayahan Sanangken Warsa :-----

----- **Pawos 25** -----

Yaning Wenten Sinalih Tunggil Krama Desa Adat Pengeragoan Daging Tukad Wusan Mekrama Adat Luire :-----

1.25. Wusan Kadadosan Krama Desa Adat :-----

1.25.a. Pinunas Ngeraga, Menawi Kesah Kedura Desa, Ngelangkungin Segara

1.25.b. Kanorayang Duwaning Nenten Prasida Ngesehin Solah Maprawerti Setata Mamurug Kacaping Awig-Awig Utawi Kasepekang :-----

1.25.c. Nilar Sesana Agama Hindu :-----

2.25. Sang Wusan Mekrama Desa Adat Keputusan :-----

2.25.a. Nenten Polih Pah-Pahan Druwen Desa Adat :-----

2.25.b. Ten Polih Pesayuban Ring Sejeroning Ala Ayu :-----

2.25.c. Polih Pah-Pahan Saking Padruen Tempek Manut Pararem :-----

----- **Pawos 26** -----

Keputusan Karma Tamiu Lan Tamiu :-----

1.26. Krama Tamiu Lan Tamiu Patut Medana Punia Ring Desa Adat Manut Pararem :---

2.26. Krama Tamiu Lan Tamiu Patut Polih Petiyas Marupa Pitulung Ring Sejeroning Katiben Panca Baya :-----

----- **Palet II** -----

----- **Prajuru Desa Adat, Sabha Desa Lan Kertha Desa** -----

----- **Pawos 27** -----

1.27. Desa Adat Pengeragoan Daging Tukad Kaenterang Olih Bandesa Adat :-----

2.27. Banjar Adat Kaenteran Olih Kelihan Banjar Adat :-----

3.27. Tempek Adat Kaenteran Olih Kelihan Tempek Adat Utawi Kasinoman :-----

4.27. Bandesa Adat Miwah Kelian Banjar Adat Kapatutang :-----

4.27.a. Mawiwit Saking Krama Desa Adat Sane Ngarep :-----

4.27.b. Kacumponin, Keadegang Melarapan Antuk Cacumponan Olih Paruman Desa Utawi Banjar Adat Paras Paros Sarpanaya, Nyabran Lima Warsa, Sejawaning Wenten Paindikan Tur Wenang Kasudi Malih :-----

4.27.c. Maduluran Dewa Saksi Ring Kahyangan Tiga Desa Adat Kategepin Oleh Tri Upasaksi :-----

----- **Pawos 28** -----

1.28. Bandesa Adat Kesanggra Antuk :-----

1.28.a. Petajuh Pinaka Wakil Nyane :-----

1.28.b. Penyarikan, Pinaka Pemastikan Ilikita Utawi Juru Surat :-----

1.28.c. Patengen Pinaka Pangemong Arta Lan Brana Druwen Desa Adat :-----

1.28.d. Kasinoman Pinaka Juru Pemargi Utawi Ngewentenan Dedawuhan :-----





- 2.28. Kasinoman Manut Kawigunan Saha Magilir Senangken Limang Warsa :-----
- 3.28. Sajeroning Ngenterang Kasukerthan Sekala Lan Niskala, Bandesa Adat Lan Kelian Banjar Adat Mingsingghang Pemangku Kahyangan Desa Adat Miwah Sang Sulingghih :-----
- 4.28. Prajuru Desa Adat Ngadegan Penglingsir Utawi Sabha Desa Sinanggeh Kertha Desa Sane Mawiwit Prajuru Lepas, Sang Wikan Ring Adat Lan Agama, Adiri Sinanggeh Panua Kesarengin Juru Surat :-----
- **Pawos 29** -----
- 1.29. Swadharmaning Prajuru Desa Adat Kapatutang :-----
- 1.29.a. Ngenterang Utawi Ngukuhang Sedaging Awig-Awig Lan Pararem Desa Adat :-----
- 1.29.b. Nuntunan, Ngenterang Krama Rawuhing Warga Desa Adat, Ngupadi Patitis :-----
- 1.29.c. Mawosin Kalih Niwakang Pamutus Manut Wicara Warga Desa Adat :-----
- 1.29.d. Pinaka Duta Matemuang Bawos Ring Sang Sapa Sira Ugi :-----
- 1.29.e. Mipilan Rencana Pastika Lan Dudonan Wewangunan Ring Desa Adat :---
- 1.29.f. Mipilan Rencana Prabiya Sane Kepolihan Lan Kemedalan Ring Desa Adat Pengeragoan Daging Tukad :-----
- 1.29.g. Ngelaksanayang Rencana Desa Adat Minakadi Menggah Ring Aksare E Lan F Pekaryan Ring Prahyanan, Pawongan Lan Palemahan :-----
- 1.29.h. Ngelaksanayang Sedaging Awig-Awig Lan Pararem Desa Adat.
- 1.29.i. Muputan Seluwiring Wicara Sane Wenten Ring Sejeroning Wewidangan Desa Adat :-----
- 1.29.j. Ngenteran Pemargin Pekaryan Sosial Lan Agama Ring Wewidangan Desa Adat Manut Ring Susastra Agama Lan Dresta Suang-Suang :-----
- 1.29.k. Nyadokan Pikolih Pemargin Wewangunan Sekadi Munggah Ring Aksara F Lan G Rikalaning Paruman Desa Adat :-----
- 1.29.l. Ngukuhang Rencana Sane Pastika Sane Kasudi Olih Lembaga Perkreditan Desa Lan Bagha Utsaha Padruwen Desa Adat :-----
- 1.29.m. Ngukuhang Pengerencana Perebiya Sane Kepolihan Lan Kemedalan Desa Adat Senangken Warsa :-----
- 1.29.n. Ngawigunayang Padruwen Desa Adat Ring Sejeroning Swadharmaning Prajuru :-----
- 1.29.o. Ngadegan Lan Ngerarean Panureksa Lan Prajuru LPD Lan BUPDA Risampun Polih Kecumponin Sabha Desa Adat :-----
- 1.29.p. Ngelaksanayang Panureksan Lan Pengeret Pemargin Sekancan Pekaryan Sane Kelaksanayang Ring Wewidangan Desa Adat :-----





- 1.29.q. Ngemargiang Pamidanda Adat Mantuk Ring Krama Desa Adat Sane Sampun Polih Pemutus Ring Paruman Desa Adat Manut Pararem :-----
- 1.29.r. Pinaka Duta Desa Adat Ring Sejeroning Pengelaksana Ngawentenan Pangentos Awig-Awig Ring Sejeroning Desa Adat Utawi Tiyos Desa Adat Manut Paruman Desa Adat Sane Polih Kocumponin :-----
- 1.29.s. Ngemargiang Swadharman Tiyosan Manut Sekadi Awig-Awig Lan Pararem Desa Adat :-----
- 2.29. Prade Prajuru Desa Adat Iwang Utawi Linyok Parilaksanan Ipun, Patut Kadanda Nikel Manut Kaiwangan Suang-Suang Krama Desa Adat Utawi Keangkat Kekaryanan Pamutus Manut Pararem Sabha Desa Lan Karma Desa Adat :-----

----- **Pawos 30** -----

Pituas Utawi Olih-Olihan Prajuru Desa Adat Luire :-----

- 1.30. Polih Pah-Pahan Manut Ring Pararem :-----
- 2.30. Petias Tiyosan Manut Pararem :-----

----- **Pawos 31** -----

- 1.31. Prajuru Desa Adat Kagentosin :-----
- 1.31.a. Padem Utawi Seda :-----
- 1.31.b. Kawusang Utawi Kararean Duwaning Iwang Pemargi Menawi Nilar Sesana :-----
- 1.31.c. Wit Saking Pekayun Utawi Pinunas Ngeraga :-----
- 1.31.d. Nepek Ring Waneng Manut Panumaya Ngamong Swadharma :-----
- 2.31. Kawusang Utawi Kararean Utawi Kagentosin Prajuru Punika Kepatutan Disajroning Paruman Tur Kaingkupin Olih Sabha Desa Miwah Kejangkepin Olih Krama Desa Adat :-----

----- **Pawos 32** -----

- 1.32. Sabha Desa Adat Lan Kertha Desa Adat :-----
- 1.32.a. Sabha Desa Adat Lan Kertha Desa Adat Kapilih Olih Krama Desa Adat Mejalaran Paruman Desa Adat :-----
- 1.32.b. Krama Sane Kedadosan Kapilih Dados Sabha Desa Adat Lan Kertha Desa Adat Inggih Punika Penglingsir-Penglingsir Ring Desa Adat :-----
- 1.32.c. Ayah-Ayah Sabha Desa Adat Lan Kertha Desa Adat Pateh Sekadi Ayah-Ayah Prajuru Desa Adat Lan Dados Mewali Kapilih Malih :-----
- 1.32.d. Dados Penglingsir Sabha Desa Adat Kapilih Olih Angga Sabha Desa Adat :-----
- 1.32.e. Prajuru Desa Adat Apisanan Dados Kertha Desa Adat :-----
- 1.32.f. Bandesa Adat Ngerangkep Penglingsir Lan Angga Kertha Desa Adat :-----
- 2.32. Swadharmaning Sabha Desa Adat Lan Kertha Desa Adat :-----





- 2.32.a. Sabha Desa Adat Swadharman Nyane Ngicen Tetimbang Ring Prajuru  
Desa Adat Ritatkala :-----  
2.32.a.i. Ngaryaning Awig-Awig Lan Pararem Desa Adat :-----  
2.32.a.ii. Ngerencanayang Wewangunan Desa Adat :-----  
2.32.a.iii. Ngerencanayan Prebiya Olih-Olihan Lan Tetumbasan Desa  
Adat :-----  
2.32.a.iv. Ngelaksanayan Pengerencana Desa Adat :-----  
2.32.b. Kertha Desa Adat Swadharman Nyane Nureksa, Mutusin Wicara Ring  
Wewidangan Desa Adat Manut Awig-Awig Desa Adat :-----  
3.32. Sabha Desa Adat Lan Kertha Desa Adat Patut Ngemolihan Patias Utawi Olih-  
Olihan Manut Daging Pararem :-----

----- **Palet III** -----

----- **Indik Kulkul** -----

----- **Pawos 33** -----

- 1.33 Kulkul Ring Desa Adat Pengeragoan Dangin Tukad Luire :-----  
1.33.a. Kulkul Desa Adat :-----  
1.33.b. Kulkul Banjar Utawi Tempek :-----  
1.33.c. Kulkul Sekha-Sekha :-----  
2.33 Tabuh Utawi Tengeran Nepak Kulkul Desa Adat :-----  
2.33.a. Atulud Bulus, Tengeran Kapanca Baya :-----  
2.33.b. Duang Tulud Lamban Tengeran Ngerorod Nganten :-----  
2.33.c. Telung Tulud Lamban Tengeran Wenten Kelayu Sekaran Utawi Seda :---  
2.33.d. Solas Kelentungan, Tengeran Nedunan Krama Desa Adat :-----

----- **Pawos 34** -----

- 1.34. Kulkul Desa Utawi Banjar Adat Tan Kapatutan Katepak Yening Tan Sangkaning  
Pituduh Prajuru Desa Adat Utawi Banjar Adat, Sejawaning Tengeran Ke Panca  
Baya :-----  
2.34. Sang Nepak Tan Sangkaning Pituduh Prajuru Desa Adat Utawi Banjar Adat,  
Kapatutan Digelis Atur Supeksa Maka Buatannya Nepak Kulkul, Yening Nenten  
Asapunika Wenang Sisip Jatma Punika Kadanda Manut Pararem, Pinaka  
Mamurug Pawos Puniki :-----  
3.34. Kulkul Sekha-Sekha Sane Wenten Ring Wewidangan Desa Adat, Tan Kapatutan  
Nyawurin Matehin Tengeran Penepak Kulkul Desa Adat :-----

----- **Indik Bhaya** -----

----- **Pawos 35** -----

- 1.35. Indik Panca Bhaya Luire :-----  
1.35.a. Jiwa Bhaya :-----  
1.35.b. Arta Bhaya Utawi Kependungan :-----





- 1.35.c. Geni Bhaya :-----  
1.35.d. Toya Bhaya :-----  
1.35.e. Ripu Bhaya :-----  
2.35. Sang Sane Manggihin Kehanan Bhaya, Kapatutan Nepak Kulkul Bulus Manut Tepakana Sane Pastika, Punika Cihna Mitulung Sang Keni Bhaya :-----  
3.35. Prade Ring Kahyangan Desa Keni Bhaya, Mungging Sang Corah Nenten Kekeniang, Kapatutang Krama Desa Adat Ngaturang Bhuta Yadnya Utawi Mecaru, Saha Krama Desa Adat Nguningang Raga Ring Kahyangan Desa Adat, Pitui Nenten Uning Manggihin Sang Melaksana Corah, Saha Katur Ring Sang Ngawiwenang :-----  
4.35. Prade Sang Ngawe Bhaya Ring Kahyangan, Mewastu Letuh Kahyangan Desa Adat, Sampun Mecihna Terang Sang Melaksana Corah, Manut Saksi, Bukti Kapatutan Jatma Corah Punika Kairid Katur Ring Pemerintah Saha Ngupakara Antuk Bebanten Sepatut Ipun :-----  
5.35. Yening Wenten Sinalih Tunggil Jatma Mamisuh Utawi Nguman-Uman Jatma Tiosan Sisip Jatma Punika Kedanda Manut Pararem :-----  
6.35. Prade Wenten Jatma Ngrereh Reramon Ring Karang Anak Tiyosan Tan Saking Masadok Ring Sang Neruwenang, Prade Kacunduk Sisip Jatma Punika Kedanda Manut Pararem, Jatma Punika Keberos Maling :-----  
7.35. Yening Wenten Sinalih Tunggil Krama Desa Adat, Krama Tamiu Utawi Tamiu Ngeranjingin Pakubonan Anak Tiyos Rikalaning Suwung, Mewastu Sang Medrebe Pondok Utawi Paumahan Punika Kaicalan, Patut Jatma Punika Kesungguh Utawi Katuwekan Punika Ring Genah Paruma-----  
8.35. Mangda Tan Kesungguh, Katuwekan Manut Ring Ajeng, Asing-Asing Ngeranjingin Pondok Utawi Pokubonan Anak Tios Kapatutang :-----  
8.35.a. Tetengeran Suara :-----  
8.35.b. Nyantos Sang Medrebe Pondok Punika Rawuh, Utawi Mesadok Ring Penyanding Pinih Tampek, Maka Buatang Pengeranjinge :-----  
8.35.c. Lebu Karang Nyane Kedagingin Sawen, Pinaka Cihna Pengarah Rikalaning Suwung :-----

----- **Palet IV** -----

----- **Indik Paruman** -----

----- **Pawos 36** -----

- 1.36. Paruman Sangkepan Ring Desa Adat Pengeragoan Dangin Tukad Luwire :-----  
1.36.a. Paruman Desa Adat Kawentenan Nyabran Enam Sasih Apisan, Rikalaning Bulan Juni Lan Desember :-----  
1.36.b. Padgatakala, Parigata Lan Napkala Maka Jalara Nyane Kawentenan Arah-Arah Riin :-----





- 1.36.c. Paruman Prajuru Lan Sabha Desa Manut Wiguna :-----
- 1.36.d. Paruman Sekha-Sakha Manut Kabuatan :-----
- 2.36. Paruman Desa Adat Madudonan Sekadi Ring Sor Puniki :-----
- 2.36.a. Paruman Prasida Patut Ngemiletin Lumaksana Disampune Katedunin Olih Sang Patut Ngemiletin Mejalaran Suaran Kulkul Saha Mebusana Nyelempod, Saha Nenten Kapatutang Makte Gegawan, Miwah Kawiwitin Ngarcana Ring Idha Sang Hyang Widhi Wasa, Beghawan Penyarikan, Medarsana Upakara Widi Widana Lan Me-Tri Sandya :-----
- 2.36.b. Pinaka Piranti Nitenin Krama Desa Adat, Kelaksanayang Penyacak Manut Pengerawuh Lan Sepsepan Krama Desa Adat :-----
- 2.36.c. Nenten Kapatutang Ngawetuan Suara Ghora, Bilih-Bilih Ngewetuang Byuta Lsp. Yening Wenten Sinalih Tunggil Warga Krama Desa Adat, Sane Purun Melaksana Asapunika Sisip Jatma Punika Kedanda Manut Pararem, Pinaka Ngicalang Kaletuhan Utawi Prabiya Pecamil, Pinaka Panguman-Uman Ring Sabha Desa Utawi Paruman Desa Adat :-----
- 2.36.d. Pamutus Babawos Mangda Briyuk Sepanggul, Ngingkupin Punika Kemanggehang :-----
- 3.36. Prade Daging Paruman Nenten Kaingkupin, Kapatutang Prajuru Desa Adat Ngilikang Bebawos, Tur Pamutus Bawos Mangda Kacumponin Olih Krama Desa Adat, Bilih-Bilih Nenten Prasida Kacumpunin Ngantos Ping Tiga, Prajuru Desa Adat Kapatutang Numusan Saha Nunas Bawos Ring Sang Ngawiwenang :-----
- **Pawos 37** -----
- 1.37. Sajeroning Paruman Desa Adat, Bandesa Adat Patut Nyobyahan Pemargin Ngenteran Desa Adat Pamekas Ngeninin Parindikan :-----
- a. Munjuk Lungsur Adat Lan Ayah-Ayahan, Sulur Artha Brana Druwen Desa Adat :-----
- b. Rerincian Lan Rencana Prajuru Desa Adat Sane Kaunggehang Ring Pralipita, Ngeninin Utsaha Desa Adat Kapungkur :-----
- 2.37. Pamutus Paruman Desa Adat Kasinanggehang Pararem Pinaka Mitegepin Indik Parilaksanan Sedaging Awig-Awig Desa Adat :-----
- **Pawos 38** -----
- 1.38. Paruman Prajuru Desa Adat Wenang Nyane Wantah Ngerincikang Utsaha Desa Adat Kapungkuran Manut Dudonan :-----
- 2.38. Paruman Prajuru Desa Adat Nenten Kapatutang Ngemedalang Tetegenan Ring Krama Desa Adat Sedurungne Kaingkupin Oleh Krama Desa Adat :-----





3.38. Pamutus Paruman Desa Adat Ngawetuang Pasuara, Maka Daging Utawi Ngelimbakan Daging Awig-Awig Manut Pituduh Sang Ngawiwenang, Rawuhin Ngonekang Utawi Negesan Pararem Krama Desa Adat :-----

----- **Palet V** -----

----- **Indik Druwen Desa Adat** -----

----- **Pawos 20** -----

Druwen Desa Adat Pengeragoan Daging Tukad, Sekadi Ring Sor Puniki :-----

- 1.20. Kahyangan Tiga Desa Adat :-----
- 2.20. Kahyangan Kawitan Manik Segara :-----
- 3.20. Padma Catus Pata :-----
- 4.20. Padma Ring Yeh Leh :-----
- 5.20. Padma Ring Desa Bale Adat :-----
- 6.20. Padma Ring Rest Area :-----
- 7.20. Bale Desa Adat :-----
- 8.20. Setra Utawi Tunon :-----
- 9.20. Laba Pura, Jimbar Wawidangan Melinggah 1.5 Ha :-----
- 10.20. Lelanguan, Sane Merupa Gong Abarung :-----
- 11.20. Ilen-Ilen Wali Pura, Rejang Dewa Lan Pendet :-----
- 12.20. 2 Unit Sepeda Motor :-----
- 13.20. 1 Unit Mobil Pecalang :-----
- 14.20. Lembaga Perkreditan Desa :-----

----- **Pawos 21** -----

Pioli-Olihan Desa Adat Pengeragoan Daging Tukad Luire :-----

- 1.21. Saking Laba Pura :-----
- 2.21. Urunan Krama Desa Adat :-----
- 3.21. Dana Punia :-----
- 4.21. Paican Saking Guru Wisesa :-----
- 5.21. Sisa Hasi Usaha Lembaga Perkreditan Desa :-----
- 6.21. Kebakatan :-----
- 7.21. Penumbas Ayahan :-----
- 8.21. Sesari Puja Wali :-----
- 9.21. Parkir Rest Area Yeh Leh :-----
- 10.21. Sewa Kios Rest Area Yeh Leh :-----
- 11.21. Krama Tamiu Lan Tamiu :-----
- 12.21. Paican Sane Tiosan Sane Kasinanggeh Patut :-----

----- **Pawos 22** -----

- 1.22. Prajuru Desa Adat Kepatutan Ngetangan Pamupon Laba Pura Lsp :-----





- 2.22. Pikolih Urunan Punika Kaanggen Prabeya Wewangunan Lan Piodalan Ring Prahyanan :-----
- 3.22. Nyabran Paruman Desa Adat, Prajuru Desa Adat Pemekas Patengen Arta Brana Sane Ngamong Druwen Desa Adat Ngawentenang Saparindik Munjuk Lungsur Druwen Desa Adat :-----
- 4.22. Saluwiring Druwen Desa Adat Kapatutan Wenten Kecihnayang Antuk Ilikita :-----
- 5.22. Sane Marupa Karang Tegal, Karang Pura, Karang Setra Nenten Kapatutan Keadol Lan Ngesahang Druwen Desa Adat Yening Tan Kalugra Oleh Krama Desa Adat Pengeragoan Dangin Tukad :-----

----- **Palet VI** -----

----- **Indik Pawiwahan** -----

----- **Pawos 23** -----

- 1.23. Pawiwahan Inggih Punika Patemoning Purusa Lan Pradana, Melarapan Panunggilan Kayun Utawi Manah Lan Laksana, Medarsana Antuk Suka Cita Kadulurin Upasaksi Sekala Lan Niskala :-----
- 2.23. Parilaksana Pawiwahan Luwire :-----
- 2.23.a. Pepadikan, Kemanggala Antuk Pekrunan :-----
- 2.23.b. Ngerorod, Ngerangkat Riyin Wawu Merabian :-----
- 2.23.c. Nyeburin Utawi Nyentana Nyeburin :-----
- 3.23. Pidabdab Pacang Mewiwahan Sane Kapatutang :-----
- 3.23.a. Sampun Manggeh Doha Taruna, Manut Uger-Uger Pemerintah :-----
- 3.23.b. Sangkanin Pada Cumpu Utawi Rena :-----
- 3.23.c. Manut Kecaping Agama, Nenten Melarapang Gamyu Gamana :-----
- 3.23.d. Kasudiwadani, Prade Pengambile Tiyos Agama Utawi *Mepati Wangi* :-----
- 4.23. Pemargin Pawiwahan Mangda Taler Nganutin Uger-Uger Alaki Rabi Saking Pemerintah :-----

----- **Pawos 24** -----

- 1.24. Pawiwahan Sane Kapatutang Ring Desa Adat Pengeragoan Dangin Tukad, Sekadi Ring Sor Luire :-----
- 1.24.a. Sampun Kemargayang Biyakala Utawi Mesakapan, Mesaksiang Sekala Niskala :-----
- 1.24.b. Kaupasaksi Olih Tri Upasaksi, Pemekas Bandesa Adat Sane Mepekelingan Utawi Ngilikitayang Pawiwahan, Rawuhing Camat Lan Kabupaten :-----
- 1.24.c. Sampun Ketengerin Antuk Suwaran Kulkul :-----
- 2.24. Perabian Sane Ten Manut Sekadi Ring Ajeng, Sinanggeh Tan Patut :-----

----- **Pawos 25** -----

Tata Caraning Perabian Patut Sekadi Ring Sor :-----





- 1.25. Sapa Sira Ugi Pacang Ngewarangan Pakulawangan Kapatutang Mesadok Ring Prajuru Desa Adat, Selantur Nyane Prajuru Desa Adat Natasang Manut Tan Manut Indik Perabian :-----
- 2.25. Pemargin Pepadikan Manut Dudonan :-----
  - 2.25.a. Tata Cara Penayuh Jantos Ping Tiga, Luire :-----
    - 2.25.a.i. Antuk Milaku, Ngelukuang Utawi Nunas Ampura :-----
    - 2.25.a.ii. Antuk Cecanangan Utawi Tampinan :-----
    - 2.25.a.iii. Antuk Tipat Bantal, Kebawos Pemuput :-----
  - 2.25.b. Disampun Puput Raris Sang Istri Kebakta Budal Ring Pondok Sang Lanang, Saha Kelanturang Antuk Pabiyekaonan :-----
  - 2.25.c. Mangda Tumus Ring Skala Niskala, Raris Kulawarga Purusa Makta Pejati Ring Sanggah Utawi Pemerajan Wadone :-----
- 3.25. Prade Ngerorod Ngerangkat Kapatutang :-----
  - 3.25.a. Reraman Sang Lanang Ngewentenan Pamilaku Utawi Pejati Mejalaran Antuk Duta Sekirang-Kirang Nyane Kalih Diri :-----
  - 3.25.b. Paigum Bebawosan Idih Mikidihan Marep Ring Peswakan Sang Ngidih Saha Dewasa Pekerab Kambe Riwekas :-----
  - 3.25.c. Kecihnayang Indik Purusa Utawi Prade Sentana Rajeg Kakukuhang, Patut Ngidih Sentana Lanang Sane Kebawos Pawiwahan Nyeburin, Tur Disampun Sulur Pemerasan Ketegepin Kemanggehang Sentana Nyeburin :-----
- 4.25. Pakerabkambe Mapiteges Upacara Tinas Apadang Utawi Sampun Puput Mapikuren Luire :-----
  - 4.25.a. Sajeroning Kebawos Ngambe, Kelaksanayang Ring Sekala Niskala Antuk Sarana Jejauman Miwah Pawidhi Widana :-----
  - 4.25.b. Jejauman Pinaka Ngambe Utawi Ngadungan Manah Utawi Kayun Suang-Suang Kulawarga Wadon :-----
  - 4.25.c. Pawidi Widanan Pinaka Pejati Niskala Nunas Wadone Ring Bhatara Hyang Guru :-----
- 5.25. Sajeroning Kebawos Kerab Parilaksanan Nyane Ring Sekala :-----
  - 5.25.a. Antuk Penyaksi Krama Desa Adat, Duwaning Perabian Ipun Mecihne Antuk Suaran Kulkul :-----
  - 5.25.b. Pemekas Penyaksi Prajuru Desa Adat Saha Ngilikitayang :-----

----- **Palet VII** -----

----- **Indik Nyapihan** -----

----- **Pawos 26** -----

- 1.26. Pawiwahan Praside Kawusanang Melarapan Antuk Palas Merabi :-----
- 2.26. Wusan Merabi Seantukan Sinalih Tunggil Seda Utawi Padem Keketah Balu :-----





- 3.26. Palas Merabi Wenten Kalih Soroh Inggih Punika :-----  
3.26.a. Sangkaning Pada Waneh, Menawi Mawiwit Saking Wicara :-----  
3.26.b. Sangkaning Sinalih Tunggil Seda Utawi Padem -:-----  
4.26. Sang Jagi Palas Merabi Kapatutang Atur Supeksa Pailikitan Riin Ring Sang  
Rumawos Nyapihan, Wawu Prajuru Desa Adat Nyiarang Indik Kawentenan  
Nyane Ring Krama Desa Adat, Saha Sinalih Tunggil Keni Pamidanda Manut  
Perarem :-----

Tata Cara Palas Merabi Sangkaning Pada Rena Utawi Lila Inggih Punika :-----

- A.26. Nawur Prabeya Pesaksi Sinalih Tunggil Sami Matenga :-----  
B.26. Paguna Kaya Polih Pah-Pahan Matenga :-----  
C.26. Pabekel, Tadtadan Suang-Suang Kakuwasa Niri-Niri, Indik Wewarisan  
Kakuwasa Olih Purusa :-----  
D.26. Nguwehin Pangupa Jiwa Ring Prati Sentana Manut Swadharmaning Guru  
Rupaka:-----  
E.26. Nawur Danda Pinaka Panumbas Sidang Manut Peparuman Utawi Pararem :-----

----- **Pawos 27** -----

Prade Riwekas Sang Palas Merabi Mecihna Adung Malih, Kapatutang :-----

- 1.27. Ngelaksanayang Pawiwahan Malih :-----  
2.27. Kadanda Nikel Apisan Manut Gebog Danda Sidang, Yadiastun Pecak Palas Pada  
Rena Utawi Lila Utawi Arsa, Punika Pinaka Cihna Mucehang Sehananing Byuta  
Cara Kewastanin Jinah Pangerta Desa Adat :-----

----- **Pawos 28** -----

- 1.28. Sang Balu Kabinayang Dados :-----  
1.28.a. Balu Luh Wit Sentana Rajeg Miwah Balu Luh Boya Sentana :-----  
1.28.b. Balu Lanang Kepurusa Mawiwit Sentana Miwah Balu Lanang Nyeburin :-  
2.28. Swadharmaning Balu Kapatutang :-----  
2.28.a. Ngemanggehang Patibrata Nenten Kengin Ngemargayang Paradara  
Utawi Dratikrama :-----  
2.28.b. Nguwasayang Waris Pagunakaya, Sakewanten Nenten Patut Keadol,  
Ngadeang, Makidihang, Sejawaning Kebebasan Olih Pianak Utawi  
Kulawarga Sapinda Saking Irabi, Prade Pianak Kantun Alit-Alit :-----  
2.28.c. Kengin Ngidih Sentana Prade Wenten Pidabdab Sadurung Sinalih  
Tunggil Padem, Saha Kabebasan Antuk Kulawarga Saking Purusa :-----  
2.28.d. Wenang Mawiwaha Malih, Prade Wenten Kebebasan Saking Kulawarga  
Rajeg :-----

----- **Pawos 29** -----

Balu Kaucap Tan Pageh Sekadi Ring Sor Puniki :-----

- 1.29. Dratikrama Utawi Paradara :-----





- 2.29. Matilar Saking Pakubonan Nenten Pesadok Jantos Enem Sasih :-----  
3.29. Lempas Ring Swadharmaning Balu, Pamekas Nenten Prasida Ngesehin Solah  
Maprewerti Marep Ring Pituduh Kulawarga Purusa :-----

----- **Palet VIII** -----

----- **Indik Sentana** -----

----- **Pawos 30** -----

- 1.30. Sentana Wenten Kalih Soroh Inggih Punika : Sane Kaucap Pratisentana Lan  
Sentana Paperasan :-----  
2.30. Pratisentana Inggih Punika Sentana Sane Kawetuang Saking Pawiwahan Patut :-  
3.30. Prade Pawiwahan Nenten Patut Ngawetuang Sentana, Mangde Nenten Kanton  
Kewastanin *Babinjat* Utawi *Astra*, Kapatutang Kemanggala Antuk Pengaskara :---  
4.30. Prade Pawiwahan Nenten Ngembasang Putra Utawi Sentana, Kengin Ngidih  
Sentana, Antuk Upasaksi Sekala Niskala Sane Kawastaning Sentana, Antuk  
Upasaksi Sekala Niskala Sane Kawastaning Sentana Paperasan :-----  
5.30. Sentana Rajeg Inggih Punika, Pratisentana Wadon-Wadon Utawi Predana Sane  
Kemanggehang Lanang Utawi Purusa Tur Risampun Ngelaksanayang Pawiwahan  
Nyeburin :-----  
6.30. Sang Sane Dados Kearsayang Sentana Rajeg Inggih Punika :-----  
6.30.a. Pratisentana Wadon Tunggal :-----  
6.30.b. Sampun Kemanggehang Pratisentana Lanang Utawi Purusa :-----  
6.30.c. Pawiwahan Kaceburin, Kautamayang Antuk Jatma Sane Meagama  
Hindu Utawi Jatma Sane Meagama Tiyosan Sane Sampun  
Ngelaksanayang Pamarisudha Raga Utawi *Sudiwadani* :-----  
6.30.d. Sane Kemanggehang Sentana Rajeg Patut Mesadok Ring Prajuru Desa  
Adat, Nuli Prajuru Desa Adat Patut Nyiarang Ring Wawidangan Desa  
Adat :-----

----- **Pawos 31** -----

- 1.31. Ngangkat Sentana Manut Dudonan, Patut Kecihnayang Antuk Arta Brana  
Pamerasan Sane Kaupasaksiang Sekala Niskala :-----  
2.31. Sapa Sira Ugi Krama Desa Adat Pacang Ngidih Sentana Patut Mesadok Ring  
Prajuru Desa Adat Utawi Bendesa Adat Senistan Ipun Asasih Sedereng  
Pamerasan :-----  
3.31. Bandesa Adat Kewakilin Olih Para Kelihan Adat Nyiarang Ring Wewidangan Desa  
Adat Pamekas Sang Sapa Sira Ugi Rumasa Nenten Arsa, Mangda Nyadokan Raga  
Mewaneng Kalih Wuku Sebanen Pamerasan Ring Bandesa Adat :-----  
4.31. Prajuru Desa Adat Digelis Ngicenin Pamutus Napak Ring Catur Dresta Miwah  
Ngaran Ring Tri Semaya, Pitui Ring Pacang Ngidih Sentana :-----





5.31. Prade Sulur Paperasan Tan Manut Ring Kecaping Ajeng, Prajuru Desa Adat Wenang Ngandeg, Ngandegan Sang Pacang Ngidih Sentana, Gumanti Mangda Kapuputang Riin Bebawos Utawi Wicara :-----

----- **Pawos 32** -----

1.32. Paperasan Sane Kapatutang Ring Desa Adat Pengeragoan Daging Tukad, Kacihnayang :-----

1.32.a. Widi Widana Pamerasan :-----

1.32.b. Kesaksiang Antuk Prajuru Desa Sane Makelingan Utawi Ngilikitayang :--

1.32.c. Kedartayang Ring Wawidangan Desa Adat-----

2.32. Sane Patut Kaperas Anggen Sentana Sekadi Ring Sor Puniki :-----

2.32.a. Jatma Meagama Hindu :-----

2.32.b. Kapernah Nedunang Saking Sang Memeras :-----

2.32.c. Kaluarga Saking Purusa, Prade Nenten Wenten Kengin Saking Wadon, Yening Kengin Nenten Wenten, Kadadosan Sekama-Kama :-----

2.32.d. Kautamayang Saking Waris Pancer Kepurusa :-----

2.32.e. Sinalih Tunggil Saling Mawiwit Kaluarga Tunggal Sanggah Utawi Merajan Lan Paibon :-----

2.32.f. Kengin Ngidih Sentana Langkungan Ring Adiri, Lanang Utawi Wadon :--

----- **Palet IX** -----

----- **Indik Waris** -----

----- **Pawos 33** -----

1.33. Warisan Inggih Punika Tetamian Arta Berana Lan Ayah-Ayahan Ngupadi Kesukertan Sekala Niskala Saking Leluhurnia Rawuhin Turunania :-----

2.33. Sane Sinanggeh Warisan Luire :-----

2.33.a. Duwe Tengah, Minekadi Tegal, Carik, Ayahan, Kahyangan, Pusaka Lan Sepeninggilan Nyane :-----

2.33.b. Pemerajan Kemulan :-----

2.33.c. Pegunakaya, Tadtadan Utawi Dana Jiwa Lan Hutang-Hutangan :-----

3.33. Kengin Kebawos Warisan Prade Wenten :-----

3.33.a. Sang Mapiturun Utawi Pewaris :-----

3.33.b. Keturunan Utawi Ahli Waris :-----

3.33.c. Arta Brana Miwah Tetegenan Maka Cihna :-----

----- **Pawos 34** -----

1.34. Ahli Waris Inggih Punika :-----

1.34.a. Pretisentana Purusa :-----

1.34.b. Pretisentana Predana :-----

1.34.c. Sentana Peperasan Lanang Utawi Wadon :-----





- 2.34. Prade Nenten Wenten Sekadi Ring Ajeng, Kang Sinanggeh Ahli Waris Inggih Punika Turunan Purusa Pernah Ngemungghang, Rerama Lanang, Pekak Utawi Kakyang, Rerama Misan Lan Rerama Mindon :-----

----- **Pawos 35** -----

Swadharmaning Ahli Waris Kapatutang :-----

- 1.35. Nerima Saha Nguasayang Tetamian Pah-Pahhan Saking Kaluhurania, Mekadi Ngempon Sanggah Merajan, Pura Saha Pengupakarania Lan Nyeledinin Ayah-Ayahan Pewaris :-----

- 2.35. Nawurin Hutang-Hutangan Pewaris Manut Pengulalika Utawi Panglokika :-----

- 3.35. Ngabenan Pewaris Sahe Ngelanturan Upacara-Upacara Pitra Yadnya :-----

----- **Pawos 36** -----

Pengepahan Waris Manut Sekadi Ring Sor Puniki :-----

- 1.36. Disampuni Kelaksanayang Pitra Yadnya Lan Hutang-Hutangan Pewaris Buntas Ketawur, Wawu Warisan Dados Kepah :-----

- 2.36. Para Ahli Waris Polih Pah-Pahan Sane Pateh, Sangkaning Pagunakaya, Sejawaning Karang, Tegal, Ayah-Ayahan Ahli Waris, Kang Sinanggeh Krama Ngarep :-----

- 3.36. Sinalih Tunggil Ahli Waris Kengin Nenten Polih Pah-Pahan Prade :-----

- 3.36.a. Nilar Kawitan Lan Sesananing Agama :-----

- 3.36.b. Alpaka Guru Rupaka :-----

- 3.36.c. Sentana Rajeg Kesah Mawiwaha Utawi Pratisentana Nyeburin, Suang-Suang kebawos Ninggal Kedaton :-----

- 4.36. Boya Ahli Waris Kengin Muponin Hasil Manut Dudonan, Luire :-----

- 4.36.a. Sentana Luh, Sane Sampun Kesah Merabian :-----

- 4.36.b. Balu Luh Wiyadin Balu Muani Nyeburin Utawi Suang-Suang Boye Sentana :-----

- 5.36. Pewaris Kengin Maweweh Rikala Maurip Pinaka Jiwa Dana, Tadtadan Utawi Cihna, Paweweh Ring Pianak Sane Kesah Mawiwaha :-----

----- **Pawos 37** -----

- 1.37. Prade Sajeroning Kulawarga Wenten Ahli Waris Langkungan Ring Adiri Patut :----

- 1..37.a. Kawentenang Paigum Indik Pedum Waris Inucap :-----

- 1..37.b. Yening Nenten Prasida, Patut Katunasan Tatimbang Ring Prajuru Desa Adat :-----

- 1..37.c. Prade Taler Nenten Wenten Cumpu Ring Panepas Kertha Desa, Kengin Katumusang Ring Sang Rumawos Utawi Pengadilan Negeri :-----

- 2.37. Prade Karang Inucap Keputungan, Patut Prajuru Desa Adat Nibakang Ring :-----

- 2.37.a. Sang Sinanggeh Ahli Waris :-----

- 2.37.b. Sang Kengin Anggen Sentana Manut Pawos 33 :-----





2.37.c. Prade Taler Nenten Wenten Cumpu Ring Panepas Kertha Desa, Kengin Ngeranjing Ke Desa Adat Pamupon Nyane Utawi Hasil Nyane :-----

----- **Palet X** -----

----- **Indik Pamargin Pamidanda** -----

----- **Pawos 38** -----

1.38. Pamidanda Sane Marupa Arta Brana, Patut Ngeranjing Ring Desa Adat :-----

2.38. Saluwiring Pamidanda Sane Katiwakan Mangda Manut Ring Catur Naya Upaya Sandi :-----

2.38.a. Ama, Saluwiring Krama Desa Adat Kapatutang Nenten Kebinayang Utawi Yaning Sisip Wenang Kedanda :-----

2.38.b. **Beda**, Tatiwak Pamidanda Patut Kebinayang Gumanti Merelina Utawi Mecahang Sehananing Sisip Sane Ngawinang Byuta Manut Agung Alit Lan Danda Ipun :-----

2.38.c. **Dana**, Paniwak Danda Kelaksanayang Gumanti Ngemanggehang Kasukerthan Desa Adat, Ngicenin Dharma Sedana Ring Sang Pastika Patut Ngamolihan, Sida Nreptiang Desa Adat :-----

2.38.d. **Danda**, Sehananing Sang Pastika Sisip Patut Kedanda, Gumanti Memanggihan Kasukerthaning Jagat Sekala Niskala :-----

----- **Palet XI** -----

----- **Indik Sima Lan Pararem** -----

----- **Pawos 39** -----

1.39. Desa Adat Kapatutang Ngardi Sima Lan Pararem, Sane Kaungghang Ring Pasuwara, Pinaka Pamitegep Daging Awig-Awig Puniki Manut Dudonan :-----

2.39. Daging Pasuwara, Sima Lan Pararem Nenten Kapatutang Lempas Ring Daging Awig-Awig Desa Adat :-----

3.39. Sane Kapatutang Kaungghang Ring Daging Pasuwara, Sima Lan Pararem Inggih Punika Luire :-----

3.39.a. Indik Praniti Utawi Padewasan :-----

3.39.b. Rerincian Penyacah Utawi Ngelimbakang Sedaging Awig-Awig Sane Mabuut :-----

3.39.c. Agung Alit Pamidanda Miwah Sane Tiyosan Sebacakan Nyane :-----

3.39.d. Tata Caraning Sulus Ngemargayang Awig-Awig :-----

3.39.e. Indik Tiyosan Sane Nenten Mungghang Ring Awig-Awig Puniki :-----

----- **Palet XII** -----

----- **Indik Pamidanda** -----

----- **Pawos 40** -----





Krama Desa Adat Pengeragoan Dangin Tukad Sane Langkungan Ring Tigang Sasih Utawi Tigang Paruman Nenten Nawur Urunan Utawi Papeson-peson Lan Dedosan Kapatutang Kerampag :-----

- 1.40. Rerampagan Kapatutang Ngangge Tata Caraning Sekadi Ring Sor Puniki :-----
- 2.40.a. Kelaksanayang Olih Prajuru Desa Adat Kesarengin Antuk Sabha Desa, Tri Bhaga, Perbekel Utawi Kelihan Dinas Pinaka Saksi :-----
  - 2.40.b. Sang Kerampag Nenten Kapatutang Mialangin Pemargin Rerampagan Punika :-----
  - 2.40.c. Sang Ngerampag Kapatutang Ngicen Piteket Ring Sang Kerampag, Sekirang Nyane Asasih Sebanen Rerampagan Kelaksanayang :-----
  - 2.40.d. Sehananing Sane Kerampag, Mangda Keanutan Ring Keh Kedik Hutang Nyane :-----
  - 2.40.e. Nenten Kengin Saluwiring Barang Utawi Brana Sane Patut Kainggilan Manut Agama Miwah Mademang Pangupa Jiwa Sang Kerampag :-----

----- **Pawos 41** -----

- 1.41. Prade Sang Kerampag Punika Mialangin, Mawinan Nenten Prasida Kebawosin Manut Daging Awig-Awig, Wenang Jatma Punika Kasepekang Nenten Keajak Mekrama Desa Adat :-----
- 2.41. Prade Pamidanda Inucap Ring Ajeng Sampun Buntas Ketawur, Kapatutang :-----
- 2.41.a. Nunas Pangampura Iwang Ring Prajuru Lan Krama Desa Adat Pengeragoan Dangin Tukad, Duwaning Nguwak Panumaya Utawi Perarem Pecak Sane Kacumponin :-----
  - 2.41.b. Nawur Pengargan Panguwak Panumaya Duk Kerampag, Kadulurin Prayascita Indik Kaiwangan Ring Krama Desa Adat Pengeragoan Dangin Tukad :-----

----- **SARGA V** -----

----- **SUKERTHA TATA PALEMAHAN** -----

----- **Palet I** -----

----- **Indik Karang Tegal Lan Carik** -----

----- **Pawos 42** -----

- 1.42. Karang Tegal Lan Karang Paumahan Lan Sepenunggilan Ipun Kapatutan Wenten Wates Antuk Turus Pagehan Utawi Tembok, Tur Katitening Mangde Asri Kapikanten :-----
- 2.42. Wates Sisi Kaler Utawi Kangin Kapatutan Kakaryaning Lan Katitenin Olih Sang Madrebe Karang Inucap, Sane Mewasta Gegaleng Keluan Sejawaning Tanah Pelaba Pura, Karang Tegal Lan Carik Sane Kedrebe Olih Suang-Suang Warga Krama Adat Naler Patut Katitenin :-----





- 3.42. Prade Kerasayang Pagehan Utawi Turus Punika Ngelikadin, Bilih-Bilh Ngungkulin Karang Warga Sane Tiyosan, Patut Keadungang Ring Penyanding, Yening Pacang Notor Utawi Mongol Lsp. Nyane :-----
- 4.42. Yening Pacang Nyukat Karang, Kepatutan Sang Nyukat Utawi Sang Ngarsayang Nyukat Karang, Mangda Kaupasaksi Olih Prajuru Desa Adat, Penyanding Karang Lan Saking Agraria :-----
- 5.42. Yening Wenten Karang Kabebeng Mangda Kautsahayang Wenten Marga Utawi Pemargin nyane :-----

----- **Pawos 43** -----

- 1.43. Sinalih Tunggil Krama Desa Adat Tan Kapatutan :-----
- 1.43.a. Ngalah-Alah Margi, Tegal, Karang, Lsp :-----
- 1.43.b. Ngalah-Alah Tanah, Tegak Pelinggih Utawi Kahyangan Setra Miwah Sane Tiyosan :-----
- 2.43. Prade Wenten Sinalih Tunggil Melaksana Sekadi Ring Ajeng, Sang Ngalah-Alah Wenang Ngewaliang Tanah Inucap Lan Kesisipan Olih I Krama Desa Adat Saha Kedanda Sepatut Nyane, Kadulurin Ngupakara Antuk Bebanten Sepatut Ipun :---

----- **Palet II** -----

----- **Indik Pepayonan** -----

----- **Pawos 44** -----

- 1.44. Ngawit Nandur Pepayonan Tanem Tuwuh Patut Mewates Adepe Agung Ngejeroang Saking Wates, Prade Ngantos Ngungkulin Utawi Ngelintangin Wates Patut Kesepat Gantungin :-----
- 2.44. Yening Wenten Tanduran Sane Ngungkulin, Bilih-Bilih Ngeresresin Utawi Mayanin Kapatutan Taru Punika Kaponggol, Mejalaran Paiguman Ngadungan Bebaos Ring Madrebe Taru Punika :-----
- 3.44. Prade Sampun Kewara Taler Nenten Wenten Usaha Sang Madrebe Wit Pepayonan Punika, Sang Rumase Ketetehan Utawi Kejerihan Patut Mesadok Ring Prajuru Desa Adat, Tur Risampun Keparitatas Olih Prajuru Desa Adat Patut Pepayonan Punika Kaicalan Olih Sang Madrebe Pepayonan Punika :-----
- 4.44. Prade Wenten Sinalih Tunggil Warga Krama Desa Adat Nenten Ngelinguang Pangidih Prajuru Desa Adat, Yening Ngantos Mayanin Ngerubuhin Wewangunan, Sane Ngerubuhin Punika Patut Ngupakara Antuk Bebanten Sepatut Ipun Tur Mecikan Wewangunan Sane Kerubuhin Punika :-----
- 5.44. Krama Desa Adat Pengeragoan Daging Tukad Patut Ngemanggehang Kawerdian Tanem Tuwuh Utawi Telajakan Sane Ngawinang Desane Asri Utawi Bersih Tur Lestari Selantur Ipun :-----

----- **Palet III** -----

----- **Indik Wewangunan** -----





----- **Pawos 45** -----

- 1.45. Nyabran Ngewangun Wewangunan Patut :-----  
1.45.a. Mesadok Ring Prajuru Desa Adat, Pamekas Prade Wewangunan  
Ngeninin Wates :-----  
1.45.b. Ngangge Sukat Asta Bhumi Miwah Gegulak Asta Kosala Kosali, Senistan  
Nyane Manut Ring Patitis Niskala :-----  
1.45.c. Nenten Ngayubin Kapisaga :-----  
1.45.d. Nenten Dados Ngembahan Toya Kepisaga :-----  
2.45. Prade Wewangunan Inucap Ngantos Ngayubin, Bilih-Bilih Tembok Nyane Ring  
Tengahing Wates, Risampun Keterag Tur Kesadok Ring Prajuru Desa Adat, Sisip  
Jatma Punika Kedenda Manut Pararem, Saha Tembok Punika Mangda  
Karubuhang, Senistan Ipun Patut Kekaryanang Abangan :-----

----- **Palet IV** -----

----- **Indik Wewalungan** -----

----- **Pawos 46** -----

- 1.46. Sahananing Wewalungan Sane Kapiara Olih Warga Krama Desa Adat Pitu Bawi,  
Kambing, Banteng, Kebo Lsp. Sampun Mesaluk Tali, Patut Katitenin Sahe Negul,  
Magelogor, Kandang, Mangda Nenten Ngerusak Karang Utawi Peabiyanan Krama  
Desa Adat, Bilih-Bilih Ngantos Ngeranjing Ngeletehin Kahyangan :-----  
2.46. Prade Wenten Wewalungan Melumbar Utawi Ngeleb Tur Ngerusak Karang  
Pabiyanan Warga Tiyosan, Disampuni Katerag Kengin Ketaban Manut  
Pengelekika Prajuru Desa Adat :-----  
3.46. Prade Ngantos Ngeletehin Tegak Suci, Pura, Pemerajan Sanggah Lsp. Wenang  
Sang Neruwenan Wewalungan Punika Kedanda Merayascita Antuk Bebanten  
Sepatut Ipun Manut Pituduh Sang Sedaka Tur Mecikan Wewangunan Punika :----  
4.46. Krama Desa Adat Patut Nyanggra Wewalungan, Nanging Nenten Kapatutan  
Ngemademang :-----  
5.46. Krama Desa Adat Pengeragoan Daging Tukad Patut Nyerayanin Wawalungan  
Miwah Sarwa Prani, Nenten Kapatutang Maboros Paksi Miwah Nuba Ulam Lan  
Siosan Punika :-----

----- **SARGA VI** -----

----- **Nguwah Nguwuhin Awig-Awig** -----

----- **Pawos 47** -----

- 1.47. Nguwah Nguwuhin Awig-Awig Desa Adat Pengeragoan Daging Tukad Puniiki  
Kelaksanayang Ring Paruman Desa Adat :-----  
2.47. Awig-Awig Puniki Kemargayang Ngawit Kacumponin Utawi Keraremin :-----

----- **Pawos 48** -----





**DESA ADAT Pengeragoan Daging Tukad**

DESA Pengeragoan, Kecamatan Pekutatan, Kabupaten Jembrana - Bali

E-Mail : [pengeragoandangintukad@gmail.com](mailto:pengeragoandangintukad@gmail.com) WA. 083 115 926 611

Kode : (02)-(010)-(0171)

1.48. Saluiring Sane Wenten Sedurung Nyane Patut Keanutan Ring Daging Awig-Awig Puniki :-----

2.48. Saluiring Sane Kaungghang Disejeroning Awig-Awig Puniki, Patut Kelaksanayang Sane Pikenoh Ipun Ngajegan Adat, Manut Tata Cara Sane Sampun Ketah Memargi Kedulurin Antuk Pararem :-----

----- **Sarga VII** -----

----- **Pemuput** -----

----- **Pawos 49** -----

1.49. Awig-Awig Puniki Keraremin Duk Rahina ..... Utawi Tanggal..... Ring Bale Desa Adat Pengeragoan Daging Tukad, Desa Pengeragoan Kecamatan Pekutatan Kabupaten Jembrana. Pengaptin Ipun Wastu Sida Trepti Adate Sane Kasunarin Olih Ida Sanghayang Agama :-----

2.49. Awig-Awig Puniki Kelingga Tanganin Olih Prajuru Desa Adat Pengeragoan Daging Tukad Sahe Kaupasaksi Olih Kepala Desa Pengeragoan Lan Kelian Dinas Pengeragoan Daging Tukad :-----

3.49. Luwir Sang Ngelingga Tanganin :-----

**Om Santih Santih Santih Om**





**Prajuru Desa Adat Pengeragoan Dangin Tukad**

Bandesa Adat

Penyarikan

I Made Sugiarta

I Wayan Yudi Antara

Petajuh

Patengen

I Nengah Karya

I Nyoman Darma Susila

Sabha Desa

Kelian Dinas

I Made Surata

I Wayan Susila Arimbawa

Kepala Desa Pengeragoan

Camat Pekutatan

I Wayan Balik Kari,SS

I Wayan Yudana

MDA Kabupaten Jembrana

Bupati Jembrana

I Nengah Subagia

I Nengah Tamba, SH.





### **Daging Awig-Awig Desa Adat Pengeragoan**

1. Atur Pengaksama .....	1
2. Murdha Citta .....	2
3. Sarga I Aran Lan Wewidangan Desa Adat .....	2
4. Sarga II Patitis Lan Pamikukuh .....	2
5. Sarga III Sukertha Tata Parahyangan .....	2
a. Palet I Indik Dewa Yadnya .....	3
b. Patet II Indik Rsi Yadnya .....	6
c. Palet III Indik Pitra Yadnya .....	6
d. Palet IV Indik Manusa Yadnya .....	9
e. Palet V Indik Bhuta Yadnya .....	9
6. Sarga IV Sukertha Tata Pawongan .....	11
a. Palet I Indik Krama .....	11
b. Palet II Indik Prajuru, Sabha Desa Lan Kertha Desa Adat .....	13
c. Palet III Indik Kulkul .....	16
d. Palet IV Indik Paruman .....	17
e. Palet V Indik Druwen Desa Adat .....	18
f. Palet VI Indik Pawiwahan .....	20
g. Palet VII Indik Nyapihan .....	21
h. Palet VIII Indik Sentana .....	23
i. Palet IX Indik Waris .....	24
j. Palet X Indik Pemargin Pamidanda .....	26
k. Palet XI Indik Sima Lan Perarem .....	26
l. Palet XII Indik Pamidanda .....	26
7. Sarga V Sukertha Tata Palemahan .....	27
a. Palet I Indik Karang Tegal Lan Carik .....	27
b. Palet II Indik Pepayonan .....	28
c. Palet III Indik Wewangunan .....	28
d. Palet IV Indik Wewalungan .....	29
8. Sarga VI Nguwah Nguwuhin Awig-Awig .....	29
9. Sarga VII Pemuput .....	30

